



علاش

سنية الدهماني

في الحبس؟

سنية الدهماني عندها أكثر من عام في الحبس.



وتنجم تبقى فيه أكثر من 15 سنة آخرين فقط على خاطرها تكلمت وأمّنت إّي كل مواطن ومواطنة من حقهم يشاركو رايهم في الفضاء العام ويساهفّو كل حد من بلاطّو باش بلادهم تكون خير.

القضايا المرفوعة ضدّ سنية الدهماني تنجم تعطي إجابة واضحة على سؤال حير برشا ناس:

علاش تعمل المرسوم 54؟

الإجابة ساهلة أما توجع

القضية 1: «هايلة البلاد»

القانون هذا تعمل باش يضرب حرّية التعبير ويحط الناس إّي تقول كلمتها في الحبس. وسنية وحدة من الناس هاذم.

الحكاية بذات بجملة تقالت في تلفزة. أي نعم. في 07 ماي 2024، سنية الدهماني حكات على العنصرية الموجودة في البلاد وأدانت وضعيّة المهاجرين في تونس إّي خطاب السّلطة كان يحرض عليهم. وقتها، سنية كمحاميّة وإعلاميّة كانت تمارس في حقها وتقول في كلام التوانسة الكل يقولو فيه.

بعد بنهارين، الماكيّة تحركت. في 09 ماي 2024، سنية جاها استدعاء باش تمشي تبحث. كانت عارفة شنوة باش يصير، أذاكة علاش ما مشاتش. وحكي المحامين كيف طلبو التأجيل بنهار باش يفهمو شنوة صاير، قاضي التحقيق ما حبس وأصدر بطاقة الجلب.

هذا الكل صار في أربعة أيّام.

في بلاد فيها مئات الدوسيات إّي ما تحلّتش ومئات القضايا إّي بقات أعوام ما تبش فيها.

سنيّة، كمحامية، بقات مؤمنة بدولة المؤسسات لآخر لحظة. أذاكّة علاش مّشات لدار المحامي كأخر حلّ في مواجهة الإستهداف إليّ تتعرضو. أما النظام كان عازم على أتو يسكتها. وفي 11 ماي 2024 يدخلو ناس ملثمين لدار المحامي ويوقفو سنية الدهماني بطريقة ما صارتش حتى في عهد الديكتاتورية، وتقريباً العالم الكل شاف شنوّة صار على خاطر فرّونس 24 صوّرت عمليّة الإيقاف على المباشر. بالطبع، عمادة المحامين نددت بإليّ صار أما السّلطة ما سمعت حد.

نهار 13 ماي 2024، سنية لقات روحها في حبس مّتوبة بعد ما قاضي التحقيق أصدر بطاقة إيداع.

علاش؟ على خاطر تكلمت وعبرت على زايها.

في أقلّ من جمعة، صار تسريع كبير في الإجراءات باش سنية الدهماني تتحاكم على معنى المرسوم 54 وتحديداً الفصل 24 إليّ ينص على أتو العقوبة تنجم تُوصل لخمسة سنين.

في وسط هذا الكل، سنية كانت شادّة صحيح. وقالت إليّ هي عبرت على زايها ووصفت وضعيّة البلاد وماكنتش تبتّ في أخبار زايّة. أما كان واضح أتو القرار حاضر. في 06 جويلية 2024، تحكّم على سنية بعام حبس. الدّفاع استينف الحكم وجلسة أخرى تعينت في 20 أوت 2024. قبل ليلة من الجلسة، سنية قالت للمحامي ولأختها إليّ كان ما حضرتش في معناها راهم ما خلّوهاش.

وهذاكّة إليّ صار. القاضي، قال إليّ هي ما جتتش تحضر لكن وقت إليّ المحامين شدّو صحيح باش يشوفو ورقة رسميّة مصدّحة، ما عطاوهمش. والجلسة تأجلت لنهار 10 سبتمبر 2024.

من غدوة، معناها في 21 أوت 2024، الحامين وقت مشاو للزيارة اكتشفو إليّ سنية الدهماني تعرضت لمعاملة عقابيّة للإنسانيّة ومهيّنة ترتقي باش تكون تعذيب. وكالعادة، رغم الشكايات متع المحامين ما صار حتى شيء.

الأمر زاد تعكرت أكثر، والتشقيّ ماشي ويزيد. في جلسة الاستئناف، سنية بقات تسنّي عشرة سوايع لا مأكلة. وما تمّ النطق بالحكم كان مع العشرة ونص متع الليل. ثمانية شهر حبس بلا مرافعات ولا نقاشات وفي جلسة غير علنيّة.

القضية 2: تصريحات إذاعيّة تذكر بإحترام القوانين إليّ وضعتها الدولة التونسيّة.

في إذاعة «إي أف أم»، سنية الدهماني حكات مرّة أخرى على وضعيّة المهاجرين من أفريقيا جنوب الصحراء. وأشارت لليّ طائر في تونس وخاصّة العنصريّة إليّ تتجلى في وجود جبّانة للبيض وجبّانة للسود. وحافلة للبيض وحافلة للسود. وفي آخر كلامها دعّات إلى احترام القانون الأساسي عدد 50 لسنة 2018 المؤرخ في 23 أكتوبر 2018 المتعلّق بالقضاء على جميع أشكال التمييز العنصري.

الكلام هذا كلف سنية قضية أخرى.

معناها، دعوتها لتطبيق القانون واحترامه، تسبّبوا في أنو محكمة تحكم عليها بعامين حبس في 17 أكتوبر 2024. ومرّة أخرى بالرجوع للمرسوم 54 وتحديداً الفصل 24.

التّكيز بسنية الدهماني و غايلتها تواصل، وضعيتها في الحبس تفنقّر لأبسط حقوق الإنسان وأوقات الزيارة متع غايلتها ماشية وتنقص. إدارة الحبس حرمتها من الدّوش أكثر من شهر ونص في سخانة فانت الخمسين درجة في الصيف. وفي الشتاء ما كانش عندها الحق في الماء السخون ولا حتى في المأكلة المحترمة.

والشيّ مازال زايد والقضايا على التصريحات مازلت جاية.

سنية الدهماني موهّدة بقضية على خاطر مرّة تسألّت على وزيرة العدل قالت إني حطان الناس في الحبس ماهوش إنجاز، حسب رملة الدهماني، أخت سنية، مازال ما فمّة حتى معلومة.

في القضية هذي، سنية تنجم توصل تتحكم فيها بـ **10 سنين حبس فقط على خاطرها انتقدت أداء عمل موظف**. على خاطر الفقرة الثانية متّع الفصل 24 من مرسوم 54 تضاعف العقوبة من 5 لـ 10 سنين كان المعني موظف عمومي.

سنية الدهماني لقات روحها مرّة أخرى تتحكم على خاطرها عبرت على رايها، ديما انطلاقاً من اقتناعها أنّو من حق كل حد يحكي ويعبّر في إطار القانون، سنية حكات على الوضعيّة الكارثيّة متّع الجبوسات في تونس، الإدارة العاقّة للشجون ما عجبهاش الكلام هذا **(إني هو واقع تثبتو أغلب التقارير)** ورفعت شكاية على معني المرسوم 54.

شنة صار ؟ لسنية الدهماني في الحبس

المفروض أنّو المؤسسة السجنيّة في تونس مجعولة باش تصلح، على خاطر العقوبة البدنيّة عمرها لا كانت تشقي وانتقام. وضعيّة سنية الدهماني وإني صار عليها يشنو العكس تماماً، سنية تحرمت من أنّها تحكي مع المحامين متاعها ومع عائلتها بالطريقة إني يسمحها بيها القانون، خسرت عشرين كيلو وقرضت وتعرضت لاعتداءات على حرمتها الجسديّة.

علاش سنية الدهماني في حالة احتجاز تعسفي ؟

على خاطر ما تمّش احترام مجموعة من الفصول والقوانين أبرزها:

1. الفصول 68، 80 و85 من مجلّة الإجراءات الجزائيّة.
2. الفصلين 26 و37 من الدستور التونسي، الفصل 26 إني يضمن حرّيّة الأفراد والفصل 37 إني يضمن حرّيّة الرّأي والفكر والتّعبير والإعلام والنّشر.
3. الفصل التّاسع من العهد الدولي الخاص بالحقوق المدنيّة والسياسيّة، إني تونس مصادقة عليه وإني يكرّس حرية التّعبير ويحط شروط ووابط لازم احترامها في أي ظرف للحدّ من الحق هذا.